



何震川先生集卷之一

信陽何洛文啓圖著



四言古詩

男奕家校梓

良翰永懷詩

并序



良翰永懷申大夫士采詩崧高語贈朱
守也或曰崧高美方嶽爾守甫繇郡刺
徵拜司空大夫胡以稱焉曰是不然申
伯親而尊紹封胙土保障籍焉是故本
戡定王室之勲用期其藩宣四國之績

郡牧賢而顯才任公卿親民試焉是故
即治行異等之效可規其文武是憲之
猷匪僭匪溢當實一也爰取周邦咸喜
戎有良翰為韻以倡諸首雖詩謝孔碩
風孫肆好要諸閭閻悃悃感而戀戀而
頌且祝焉固有不容口出無射人斯者
云

濟濟耄倪遮擁道周羣卧尼轍侶攀礙輶公胄
四嶽才注三江剖符憑軾輯寧我邦乃靖競梗
乃拊顛連千里更生罔或不咸九重蒿目改
而下爾遺黎惠鮮宵旰悅喜番番申伯執功
作庸誕保南土侯式纘戎課案書屏碑萬載口
境擅樂郊年踵大有選表進律入棟明堂既彰
茂異益鼓循良太常朗揭凌烟有爛永貌膚公
勒之柔翰

五言古詩

宋歐陽公守汝陰因雪會客賦詩禁體物
語如玉月梨梅鷺鵲鴛銀等字皆請勿用

予心奇其事思欲效之偶見胤昌有此作
遂廣其韻凡七百六十字然詞意不逮胤
昌遠甚尚云如歐乎哉

日月杳無從天地倏然閉玄陰晦四野凌厲朔
風至草木颯颯鳴一氣布寒吹我時寢北堂嚴
威透重被俄聞雪霰揚少焉勢轉亟近戶何蕭
騷迴簷恣洒灑音事片片飄我衾孰知其所自乃
乘隙風來栗冽不成寐窮巷犬無聲深更鴈有
戾雞喔天逾白起着牀頭屐衝寒啓重扉眩目

難直視出門忽大叫如何亭榭易入戶蹴小童
齁然尚熟睡挽頸強起之呼取庭前箒掃除開
微逕掃已旋復積回顧衣上花飛飛盡六出因
思化工巧誰能測其秘醞釀本太陰造作竟何
意纖然帶夢奇根株安所植隨風不須更遠山
悉改翠高隴接平疇迷茫色無二常侵蘓武羶
解映孫康字青兩廣延國赤布河陰地昆明唱
已神曠州味何異循除思未休譏烏偶然墜巢
樹畏飛霜還避高空鷲何期棲短簷堅冰結覆

翅感之還嘆息比屋此顛顛臨衢見凍夫屈僵
暴兩臂刺刺齒作聲酸風裂其背奄忽無所知
首垂目亦贖叩之不能言但請對以臆本是田
家子終年事耘蔣室中三四人營營力盡瘁新
收數石儲妻子暫相嬉幸自療歲饑呼隣且辦
饑相看未及飲出門接胥吏公家急索租相見
即相詈妻子走潛藏隣翁懼而返俛首候吏前
徬徨不敢隸戲音勸吏飲我酒征輸努力備吏飲
轉怒嗔瞑目語諄諄官賦有程期云胡久規避

張卷奮其威呼噪伊何肆我行損私庾吞聲賣
農器更叱宰我牛雞豚無老穉疋絹未及成割
去鮮餘織獰爭過東隣悄然獨吁戲詎勉入城
市妻孥亦相棄所圖微命全敢恤骨肉離生別
莫計時歲暮冬云季短衣不掩脛五日未一食
常苦肢體寒轉覺北風利更堪雪沒腓凍餒無
完質自分飽烏鳶骸骸行安置我時聞其言惻
然為酸鼻伊此里閉中貧苦多所累朔雪不崇
朝四隣亦已匱破屋風半欹深可數尺許懸甍

惟冰霜闔室羸然敝況乃無家人煢煢曷云倚
悠然覆載間羣生各一類如何殊賤貴兼自有
愚智東郭履常穿袞安卧未飲廣文坐無羶石
氏錦圍厠山陰半夜舟灞橋三冬騎鶴毫耀神
仙羔酒頽然醉那知膏露人肌膚不如刺嗟哉
天地仁寒燠每均蕩應時不封條盈尺乃為瑞
如何逾尋丈填壑多積骸豈伊元化虧愆伏表
皇治所以周文王凄然詠來思衛君感負薪啓
廩勞賑貶懷哉杜陵老廣廈期共庇我心慕遐
風何能但已已飄零未遲莫惟惺豈堪寄燮理
贊元輔私衷倘能遂

讀書翰林述懷

聖朝隆棫樸禮樂陶羣英蒐材闢華館巖穴慚
登榮伊昔秉微尚允願輸葵誠矧茲奉 明恩
漸翼窺蓬瀛中秘備探討漱潤期研精秋飈禁
林肅澹然水木清端居浩多思虛薄塵冠纓眷
言諸百司力職各有營而我獨優游抱牘翔休
明草萊際嘉運 皇澤深難名豈資讀墳索貴

欲禪昇平仰瞻念袞闕俯顧懷蒼生銜石豈不
勞填海多深情願言最明德前烈垂芳聲

題欵器圖

倚此宥坐器魯廟傳遺軌聖人鑒元化象物存
精理重逾金人銘石鼓安能擬繪此勤良工圖
畫含深旨乍驚款識奇更訝莓苔紫宣尼昔顧
歎虧盈驗紙水虛欵中乃正滿覆還相倚嗟哉
物詎然持盈亦若此惡滿與好謙人神道具爾
冲虛得其柄盛氣安足恃勲華方格天不問芻

蕘鄙赫赫姬公業乃下白屋士退損流鴻名抑
畏增福祉矧我顛蒙資韋絃堪自比勞謙古所
欽戒之在崇侈勿謂天道遐人事乃伊邇滄海
匪厭深衆流悉歸只九仞豈不高一簣猶能毀
三復佩聖謨披圖永自矢

君子有所思

西登太華峰俯眺咸陽里臺館高切雲阿閣中
天起紅塵覆九衢車馬如流水入門上高堂意
氣矜相恃華筵出俎羞耀座紛文綺玉色擅燕

秦哀音變宮徵自言度千春何意朱顏徒榮盛
有銷淪河清詎能俟萬里感行路甲第饒荆杞
雄心豈自謀驚飈安足倚何如衡門棲洋洋丘
壑美

擬此日不再得

此日不再得駛如過隙駒頽波浩東注義和策
陽烏朝菌迷晦朔槿花夕以枯黃金豈駐顏冉
冉薄桑榆盛年一以逝薄暮徒為吁志士惜分
陰運甕懷良圖淺才復多暇安用開顯愚俯仰
三才間昂藏七尺軀冠裳而優游何者名為儒
素絲隨所染蒼黃泣楊朱年至功不建寧與凡
民殊雞鳴起為善孳孳舜之徒涉海自涯返淵
深有遺珠寸朽累合抱片瑕終掩瑜築臺期九
層索之以錙銖宣尼嘆吾衰可勿勤東隅亦有
覽墳索高視窺典謨談鋒雄辯博藝苑誇敷腴
譬彼辭條英華實寧相符學古不通方中膠如
守株賢豪樹鴻烈卓爍開榛蕪丘園睠姬孔廊
廟恢黃虞焉知老會至所期德不孤萬里若比

肩古今接踵趨不朽固有在榮進祇區區簷溜
可穿石勉哉勿踟躕深耕有廣獲遠騁無脩塗
願言愛景光無令芳歲徂

祖席分得駒字

南山有隱豹西崦有神龜變化乘澤霧會合在
須臾朱勒赤錦韉青絲雙玉壺斟酌永今夕若
其繫驪駒

子藝惠鴛雛

迓暑登南樓嘯咏景將夕美人枉素書遺我雙
雛碧毛羽憐未成決起不盈尺掃除得草間無
煩遠彈射持贈感同心四座皆嘆喏交頸當華
軒寧受鳶鷁嚇俯巢真可窺弄藪非所適會須
文采生高舉雲間翮宛在水中央戲波何所迫

雨霽游普濟寺

結慕在靈境臥游神欲往佳辰偕勝流竒探遂
心賞朝來雨色驕頓令清興惘疑逼巫山陽神
女游惚恍行邊重翳豁望裏晴曦晃山益秀以
竒地若開而朗欣然整綸巾抖擻扶藜杖縈迴

溪屢沿合沓巖頻上高巒疊翠迎急浦文瀾盪
誤作山陰行彌興濠濮想下春出奧突上方現
虛敞連峰翔鸞鷲紺宇森龍象湍流石齒齒蒼
壁近可仰逕細綠蕪迷林深紫芝長何必揮七
弦磬發衆山響澹然繁慮蠲况乃新秋爽遺踪
懷昔賢幽棲得吾黨高詠不能忘飄然謝塵網
胤昌太史贈予游玄嶽詩倚韻答之

名嶽匝寰區茲山冠靈牘上懸萬仞梯下瞰無
底谷九州奔轆同一往心神肅婚嫁向平畢仰
止子長篤瞻矚情已欣躋攀徑如熟乍喜脫塵
鞅况得返初服屢憩叩天關羣趨撼地軸紛綸
螳尋堙險絕猱升木澁縮俯壑蹊慄慄懸崖屋
更多素心人栖真倚巖麓攬勝眺難周結隱隣
堪卜愷悌神所勞不回敢求福

旋臺寺

躡喬歷層巒策杖遵清泚舒屏列嶂圍插漢孤
峰峙懸磴燈磨旋絕頂龍宮巋攀躋氣正豪登
頓足頻疾山僧迤邐迎鐘磬凌霄起交簷柏森

森橫道石齒齒盪胸流慈雲沾席灑法雨欣然
命清醑相邀飯石髓倦借禪榻眠高寒夜如水
晨興暫據梧萬象清冰裏微茫一氣分混合諸
天彌始知不二門真悟無生理蕭瑟問同游人
境何能爾

重過龍泉寺有感

慧龍吐瀑泉茲山固靈藪基構貞觀初教暢千
載後陡壁化城懸深林葢宮剖參差敞閣玲瓏
開戶燭屢登曠心神暫憩起塵垢竭來幾何

年招提拉然朽棟宇摧泥沙丹青剝聖黜苔蝕
尊者衣荆生大士肘晴天瓦墮墮白晝鼯狸走
當時說經臺茂草鞠培塿亡論毀莊嚴祇可供
薪樵山僧三數輩憔悴不堪守顧瞻紫太息徂
徊歎良久作禮向迦毗法輪在君手何為更荒
榛佛亦厄陽九敷坐寂無言似欲頷其首色相
終勿滅成壞劫同偶我法本無住聊空諸所有
行經平靖關即古鄆阨塞

南山秋色高崒岿蟠千里形勝控淮南要害轄

楚尾峭簷入雲平崢嶸拔地起巖岫何眇冥岡
巒多峭崿遠近建霞標高下去天咫尺起伏連百
重嵯峩勢相似飛流瀑如練彌望樹若薺蔽虧
變日月峻絕饒壁壘中經巨靈擘箭括通迤邐
一夫當莫開九泥封可恃必爭想齊梁雄吞弔
申羊出入雞自鳴陟頓馬頻止坂折摧車輪石
危妨屐齒重繭疲征人濟勝愜游子九塞此居
一殺函壯堪擬屢憩始及巔崇墉冠峰趾古廟
栖寒鴉蕭條唯羽士踟躕天塹空闕門氣正紫
慚非青牛駕彷彿逢尹喜曠緬俯中原悠然酌
清醴 聖德方無外車書混文軌除關無用傳
險設亦徒爾折衝屬廟廊願言圖至理

助甫中丞邀同良弼太宰及諸君泛舟洪

河醉後篙師索題喜而有作

不登估客船焉知估客樂棹發吳歛綠波映
青雀解纜升高丘清商廣羅幕應接同山陰歡
然恣大嚼返棹入花林冰輪浮碧落招招舟子
奇雅好騷人作醉留赤壁題吾欲翔寥廓

將適吳越晨發言懷

尼父登泰山一覽天下小轍環無爰席栖栖畏
懷寶丈夫萬里志緬思窮物表何況方域中人
境非荒渺園經疲目涉形勝阻躬討職事不我
嬰躋攀孰予撓澤國擅東南山水鍾靈妙巖巒
盛鬱盤洞壑尤奧窈清泉百道飛碧澗千峰繞
江湖滙海若粘天迷浩漾奇羸輳四方神秀儼
三島生當楚豫交曠望吳越杳佇想魂夢勞跡
躋歲華老耳目及未衰仲春風日好佳麗美邀
游幽遐思登眺具濟玄度勝機息計然早萬象
濡毫端滄洲趣盈抱烟霞思果玄風塵跡如掃
五嶽自茲歷婚嫁向平了高蹤殊可追貞心恒
自保芝朮量腹食薜荔依形造結社選良儔出
山鑿小草羽有翔寥廓鱗騰任天矯胡渝仁知
樂升沉混魚鳥日誦游仙詩孰知形似道逍遙
希天全吾以獲吾考

一樂堂為王太翁賦

岷嶠燔地軸萬里分岩峩江漢東建瓴朝宗窮

沃焦源深流浩渺基厚支迢迢若翁樹明德卓
爾行義超川嶽秀相映發祥鐘俊髦一樂堂撰
遠三巴善慶饒人指高陽里門通孝弟橋三荆
歡同株七葉藹共庖公姓振麟趾德輝覽鳳毛
翱翔參知貴控制楚豫交雄詞厲揚馬偉業期
夔臯如雲膚寸合霖雨興崇朝滅哉君子澤袞
袞猶波濤閼閼垂後裕締造思先勞壤腴物蕃
殖松茂竹更苞蔗藜報豐獲契同左券操嚮往
賦景行仰止蜀山高

送觀察伍公四首

江漢何浩淼杞梓鬱以森盛德有遺範矯矯揚
徽音伊昔見君子懷古情更深瑚璉瑞清廟圭
璧薦國琛授綏奠邦域駁歷方駸駸滇棘攬轡
入汝墳建節臨神龍升雲際所在敷甘霖鳴弦
徹千里祈招度悒悒悒悒豈不懷鴻飛有遠心
南遵九江渚西趨五嶺岑嶺北路迢迢迢迢復
嶠嶽南國走父老浪浪涕不禁借恂詎可得流
盼甘棠陰

二

棠陰正蔽蒂眷言伯所憩循行美政宣豈弟民
依墜匪獨滌煩寃兼乃銷氛沴流亾復蓋蔽凶
札更穰歲閭閻阡陌間式舞歌且沸如何旌旆
揚去我西南逝蹊路更徘徊河梁愴分袂四牡
儼駢駢明發耿不寐耄倪盈道周攀援興歎喟
丈夫志四海翱翔豈予棄天畀經綸宰帝需社
稷衛佇展康濟手尋還具瞻地才大不皇安長
為宗國計

三

國計甫捨攘所急匡時幹天運否泰交人事盈
冲半南山願田治白石歌時旦鬱攸儼宸居
鯨鯢翻海瀾空谷饒白駒匪風集鴻鴈有識固
寒心蒿目軫世患良士競瞿瞿居息遑晏晏徒
然抱杞憂誰應握廟筭嗟此棟厦材疇昔金閨
彥範我已試轍繫彼瀕危纜或秉江海麾折衝
行厭難或運帷幄籌返正啓撥亂畢召互出入
房杜資謀斷經營祛紛紜憂顧蠲宵旰庖刃

罕全牛郢斤無堊漫起視夜何其明星適有爛
旗旒颯央央驅車向南瀛銘有瀚海標象有雲
臺觀去去寧告勞功名方炳煥

四

炳煥時艱賴中流珍一壺明諧矢日贊旬宣咏
來蘇疆場藩垣壯旂常勩勩殊平生富經濟緩
急鼓余餘大海波蕩蕩高賢德愉愉蕩蕩水攸
漚愉愉衆所趨振衣千仞巔頽仰眺中區寰宇
會多故在所觸畏塗英雄樹宏爍豈限方一隅

陶陶當朱夏草木盛以舒穠樾迎征蓋凱風飄
檐楡好鳥嚶其鳴浮雲互相踰言念故所歡道
遠弗克俱會合難終諧乖隔起須臾上山拾瑤
草拂珮解湛盧殷勤為持贈將比明月珠常恐
流光駛歲月奄以徂所願同蘭石堅芳永不渝

贈石峰松峰二山人

峰高石插雲峰秀松含露矯矯青虬枝蟠蟠翠
壁固松上葛可攀石下水可泝玄豹隱其間濛
濛起澤霧

客有繪巖氏三世號圖者大父曰方伯石
巖先生父曰太學次峰先生并曉溟明
府而三予叨世講敬為書卷

東南佳麗地洵美鍾金陵青嶂挿天起雲際標
觚稜日月相蔽隱雨露滄以興名岫次羅列拱
揖如在膺嶽崑無別崑聳秀何端凝下俯萬里
濤旭照增鮮澄澹滌漾銀鏡澈瞳矐霞氣蒸陽烏
與蟾兔吞吐中代昇長波信淼瀾疊嶽益紆層
孕靈乃降神偉哲時奮騰矯矯挺岳伯石巖共
峻嶒具瞻自嶽嶽蘊毓滋繩繩太學儒林彥淵
源徐郭朋蒼巒同碑砒膏闕澤未弘孫枝更奇
拔藹接扶桑凭鯨力滄溟破雲夢胸可勝高深
藉培濬奕葉欣相承看君方水擊逍遙運大鵬

何震川先生集卷之一

何震川先生集卷之二

信陽何洛文啓圖著

七言古詩

男奕家校梓

雨雪辭贈客

若有人兮林之臯垂縞帶兮衣冰綃儼欲來兮
曠復阻望莫即兮思鬱陶雲黯黯兮雪漉漉山
揜翠兮樹封條瞻白日兮掩瞳矜萬籟兮怒號
孤鴻征兮聲嘒嘒匹馬度兮影蕭蕭屢寒裳兮
延佇忽把袂兮游遨山中人兮近可招思公子

兮匪在遙芳草碧兮凍不改叢桂發兮冬豈凋
紛秀色兮可攬纈酌尊酒兮舒煩勞解予珮兮
贈瓊瑤停予蓋兮申久要欣龍劍兮偶合悵雙
星兮易朝惟知音兮可永保水浩淼兮山蒼蕘

招隱詞

桐栢之山兮勝且幽淮之水兮去悠悠有美伊
人兮產中州若隱豹兮侶潛虬栖深谷兮枕安
流製荷衣兮泳方舟采蘭芷兮薦靈脩嘯傲烟
霞兮氣橫斗牛肅兔置兮應公侯禮羅張兮弓
旌求吁嗟山中兮胡久留

二雋行贈李公子

君不見順陽之川產瑞麟雙璧英英清照人大
宋小宋頭角露元方季方風度醇大者鵠舉將
欲翔高旻小者鶴翥翩翩觀國賓黃鍾大呂中
清廟我舸巨艦須通津我聞脾龍啓華胄芳傳
奉議栽培厚太史瓌奇續馬遷比部詞章滿人
口燕山五桂未扶踈王氏三槐方挺茂三槐五
桂屬名家聳壑昂霄世共誇滿牀簪笏從茲始

濟美行看為國華

大閱歌

天挺 二祖神武揚廓清
寓縣犁窮荒乾坤再
闢日月朗夷貊重譯來
梯航 世皇 穆考中
興後震疊威靈靖九有
傳烽不復近甘泉按轡
無勞巡細柳太平 天子
坐垂衣百年全盛有
光輝蘿圖已見安磐石
桑土還思賦采薇彛章
潤色 皇猷顯武烈文謨
總恢闡郊藉臨雍俎
豆餘車攻吉日行蒐獮
早聞 清蹕下蓬萊羽

扇參差列仗催暖日乍
臨雙闕迴輕塵欲傷九
關開九關隱隱軍容肅
夾道霓旌鎮相逐虎衛
周游天上行魚麗宛委
雲中伏翩翩芝蓋結龍
文太乙勾陳擁六軍疊
鼓旗門紛鬱礮揚麾
帳殿繞氤氳數聲畫角
中天起黃纛高摩絳霄
裏方訝五花壁壘新俄
驚八陣風雲靡旆轉營
開山嶽移分曹角射皆
熊羆赤羽連鋒互衝激
應弦破的何神奇臺前
總第材官籍挿鞞彎輪
尚克乍餘勇猶矜都護
鵬成名不數將軍石從

臣忭舞前致詞 聖主停鑿命所司軍禮三驅
昭武節強兵百練張王師司馬元戎齊磨折一
麾雷動歡聲徹數倍真令士氣增八埏頓使妖
氛絕霧捲高牙 玉輅旋鑿歌鼓吹爭喧闐休
許羽獵長揚日正屬河清海宴年仰贊 廟謨
叨扈從觀兵耀德欣時動飲至疇庸各有儀
觀光揚烈尤堪頌太史已奏息櫓槍直挽銀河
洗甲兵願及豐隆修內治萬年長奉 泰階平

玄兔詩應 制

春風早拂蓬萊巔粲粲彩枝晴欲然明沙積錦
翠條潤下視一氣青如烟逡巡似見玄珠走映
日旋風乍無有中山逸出毛骨奇東都呼來目
光黝鋒紋綴墨兩耳肥注眄更恐丹青非不向
瑤華園中老恠底玉衡星忽微 成祖 宣皇
時屢出殊珍遠自流沙至西楊承 詔特獻詩
遂今圖牒傳佳瑞 御府遺跡今尚垂不知此
意貌者誰緇毫却承霜素起黥筆欲動天飈吹
墨雨淋漓水花濺隱約仙宮對葱蒨恰欲流暉

素女窻便堪搗藥長生殿芳臯淺碧融莎草綠
蝶紅英鬪春好禎符直與四美齊形質但覺千
羣少棧樸芄芄 皇化深兔置肅肅歌中林試
看策足觀光者何限干城與腹心

聞漕河通志喜

漢家職貢通梯航舳舻相銜來萬方黃河襟帶
淮流遠東南輸委紛相望陽侯鼓威怒波起徐
沛倏爾驚懷襄昭陽湖水湧平陸溜口洶洶浮
齒桑河伯失職蛟鼉舞 天子肝食悲宣房司

空承 命往俾乂期平洪水鼎虞唐滄水使蒼
獻玉簡綠圖 真主沉琮璜方傳 紫極頒籌

畫俄聽玄圭錫廟堂疏鑿未須經九載轉漕已

報飛千艘盈野熙恬休版鋪安流絡繹森帆檣

白叟黃童歌 帝力洪河清洛浮榮光似有龜

文應符祉還看圖馬開明昌異瑞奇珍無不有

尺天寸地皆來王共欽玄德著重昊更仰洪仁

洽四荒他日河渠鐫禹績莫將瓠子頌 今皇

寄春防諸將

東風吹綠滿平蕪春回紫塞鶯相呼白草已生
青海北上將提兵猶備胡胡天二月冰初解胡
馬蹀躞輕崎嶇我軍刁斗夜乘障即防虜將長
馳驅驚塵壯來無定所候火宵明時有無俄看
插羽星飛急更深城外傳兵符此時主帥起擐
甲救援轉戰千里趨麾下偏裨盡抵掌目中已
似無匈奴不道列營屯細柳還思鳴劍過伊吾
雙擘雕弓矜意氣翻身仰射旄頭孤誓取名玉
獻 天子封侯擬上凌烟圖君不見往年驕虜
敢深入潮河古北驚封狐鐵騎近邊擁鹿角胡
兒內地傾駝酥 九重赫怒壯士先報國寧慳
七尺軀燕然麟閣丈夫事況是當關用一夫

恭咏

宣廟御筆花驄馬應 制

五花驄馬青絲絡宣德年中 景陵作只今百
五十年餘生氣權奇宛如昨良樂一顧價千金
爭似君王寶愛深非緣玩物圖神駿要識兢兢
朽索心

商喜紫騮馬

丹青好手曹韓筆貌得
天閑紫騮匹晨鳧飛
鸞敢爭雄絕景超光意俱失
漠漠胡沙瀚海秋
幾隨漢將覓封侯時清斂却
追風足芳草閑眠
飲碧流

觀新河圖有感寄大司空鎮山朱公

嗚呼開闢幾治亂天工回斡須人扶
美哉禹功不可見請君試閱新河圖
憶昔幽燕奠神鼎職貢紛自東南趨
洪河如帶引汶泗帆檣絡繹豐沛塗

一朝安流變驚浪滔天洛水重儼予怒濤
衍溢飛雲浦逆湍震蕩昭陽湖上自沙河下徐
呂鑿桑浮滿黿鼉居彌望時或見樹杪何有井
邑兼田廬矧茲轉漕國脉繫俄看浩浩隨填
淤疆臣白帝帝驚愕吁嗟此實襟喉區綠圖
聖主咨岳岳訪紫庭真人銜命徂親乘四載事
荒度茫茫故道河已瀦塞茨沉僻事豈得頽林
捷石功亦徒大智寧與水爭地元臣長慮焉肯
踈南陽新河有遺跡誰其創者盛與胡稽疑大

同地形便一勞永可千年須淵規上徹長利建
改鑿奚恤人言姝子來 帝力微人力幽贊神
謨叶 廟謨奔趨若響聯三省版鋪如雲集萬
夫長渠肇闢厚隄擁洪水斥遠清流輸老成籌
畫果堪恃湯湯再割無艱虞昔也汪洋沛為壑
新隄屹立懷襄除力障狂瀾循故坎瀰漫水落
沙嶽嶇濁河秦溝自此大衝射永絕胡陵墟人
力信能消氣沴精誠無乃驅靈胥舳艫我我千
萬餘揚帆北指如車驅前舸後舸權謳沸牽船

不待千夫劬更欣宅土民宴如提携婦子相嗟
吁逶迤千里滄轉陸微公展也吾其魚微公展
也吾其魚前有妣伯今有朱河清海晏此伊始
國計民生方盡蘇寒寒我公太拮据三才合契
移坤樞憂勤備見心神瘁焦苦寧論手足塗讓
魯三策智盡下平成九鼎功堪鏤亨屯拯溺公
信偉降神輔世天豈虛陽侯已授綠字文河伯
將獻金繩書公也從此錫圭曳履稷禹俱
廟堂應復聞都兪兩儀順兮九德敷斟酌燮理

元化斲凌煙高閣知不孤

塞上曲

西風卷地白草折黃雲漠漠連營黑居延城下
羽書飛傳聞虜在交河北胡馬蹀躞驕秋風來
乘月滿窺湟中漢兵十萬夜擐甲烽火遠照榆
關東旄頭灼灼垂寒芒憑陵馳突不可當材官
謹戍烽烟障虜騎深蹂稼穡塲軍聲日夕傳刁
斗殺掠寧論到雞狗千家收保嗟後時萬人轉
戰今何有不聞車馬勒燕然都護徒思入酒泉
安得雲中還魏尚長使匈奴不近邊

陳節婦

君不見共姜矢柏舟陶嬰誓黃鵠英英陳氏姝
烈烈齊芳躅相夫結髮志青雲共卧牛衣勵苦
勤鬢年相望龍蛇變中道寧期蘭玉分與君同
溝水一逝豈向東西流與君比翼鳥何事鷓鴣
更外求地下相從甘若飴百迴勸譬誠何為母
氏悲傷舅姑老抑情延命如縣絲脫簪塋夫願
同穴未及黃泉心已決家貧下鍵倚雙親忍使

纖塵點冰雪有身欲化北山石有淚欲染湘江
竹茹茶着練不自存何用鉛華厭梁肉舅亾吾
定姑吾侍未即相殉良有寄白髮長供菽水歡
歿者復生生豈媿廟廊有弟膺封褒寓書勸勵
期禹臯吁嗟貞婦孝更義豈徒操與秋霜高我
讀貞婦傳每欽貞婦名茫茫宇宙留閨程黃金
可鎔玉可磋清風凜凜終難磨泰山可平海可
竭青史流徽應不滅

送王生赴塞

白馬青絲韉翩翩渡遼水豈不重遠征萬里存
知己河注玄言日五千行滕飛鞚跨蒼烟城頭
長嘯胡奴遁高蹈栖真學少連

雙梅圖歌為張玉車尊人方塘釣叟題

蜀川釣叟煙波客漁磯遠跡紅塵陌方塘一鑑
湧孤亭更有雙梅鬪標格清吟泠泠對霜華列
坐溶溶當月夕時愛踈花點酒卮還看澹影侵
瑤席千年挺秀傲歲寒幾陣浮香沁詩魄仙郎
擢頰吐芳馨司理英名日騰赫王孫妙墨與傳

神詞社新篇播金石清江古幹大連楹成都卧
柯饒百尺何似君家兩玉龍大吏羅浮即吾宅
披圖如挹錦江濱頓令習習風生腋

紫極篇贈陳君庸憲使入賀

萬壽便道省覲

君不見璇霄紫極中巍巍軒元氣運九圍三
垣列宿共環衛散為執法分太微太微執法宣
威德君侯來作南邦式獨持三尺凜風裁咸喜
兩河歌惠直中原不聞枹鼓鳴兆人輯睦泰

平天開壽域風雲會擁旆鏘珂朝

帝京

大造軒騎沸熠燁熒煌羅象緯仰指樞星繞

光頰占華渚流虹氣太平天子坐清都冠

玉帛兩階趨會弁庭中齊虎拜殷雷殿下起

呼嵩呼虎拜光華旦咫尺重瞳開羽扇共祝三

辰玉燭調亦有千秋金鏡獻醕罷臨軒寵數優

贈金增秩首吾侯循行屢樹澄清績觀察今高

屏翰雋露冕揚舲還過里庭闈色笑迎門喜緋

袍猶裊御篆薰銀璫新分大官美虜冠繡服照

鄉間清節皇華氣象殊上冢駢闐牛酒宴導路
光華弩矢驅畫錦歡娛何不有借恂迎郭爭翹
首早引朱輪慰耄倪游依紫極躋台斗

王母篇壽祁郡侯母

君不見西王母鍊形直與天同久又不見魯僖
公壽母千年頌闕宮西極遙看連北海人間自
有真仙在汝南太守今魯侯燕喜慈闈倍光彩
阿母里聯桓少君母也曠代揚其芬九熊斷織
啓燕翼翩翩兩鳳翔高雲長公覽輝日月傍光

冤平法稱于張一麾出牧天中郡循良卓犖龔
與黃委蛇退食舞斑欄壽母新騰萬口歡闔境
仁風驚化虎盈庭瑞靄訝駭鸞懸瓠城頭霞色
絢蟠桃初熟開芳宴孫枝掩映北堂萱寧記滄
桑允幾變

和李郡公上元燕集之作

三白豐年兆預呈流風迴雪舞江城碧山學士
赫魚早東郭先生印履清碧山東郭鑪方擁皂
蓋朱幡迓光寵座轉條風淑氣新盤開椒頌歡

聲涌鏡吹噓喧競暮笳彩棚焰焰騰雲霞星橋
銀漢迴垂鎖火樹河陽齊放花火樹星橋渾似
畫滿堂賓客偕稱壽長安元不禁金吾曲宴何
須聽玉漏玉漏沉沉歌正催羗管重調奏落梅
共誇永夜寒如失始信陽春有脚回陽春調高
和應寡君自循良兼大雅終看星履上三台咫
尺璽書徵五馬

贈顧生凱適吳越

顧生畫筆誰可倫細描麤抹工出人摹臨宛脫
張吳手點染難分曹李真逢人更為開生貌情
性笑語何太親茲將挂席覽吳越形勝助發變
化陳山水夢想魂欲往生且為我傳其神爭流
萬壑尺幅寫競秀千峰匹練新撫琴可令衆山
響卧游常與烟霞隣洞天福地采真景花辰月
夕歌長春顧生顧生行自珍他時為爾定標格
虎頭癡絕出後身

張幼于園亭觀白公石短歌

樂天奇石何年得映水流雲標古色細款殘文

讀未真恍然坐我香山側主人自有米家顛撫
玩徘徊好共憐君不見巫山萬里神峰幻一夜
飛來天竺前

三茅峰歌

吾聞茅君升天騎玉龍胡為住此三高峰想當
選勝朝元日餐霞煉藥須雲松龍虎蟠踞烏兔
繞後懸寶鑑前神鋒功成次第超玄境霓旌羽
衛紛相從玉虛紫府不可接惟有靈巖幻出瓊
瑤宮遂覺仙家在赤縣梯航遠近如朝宗我來

延陵訪季子問訊高踪亦在此改舟理策向烟
嵐陰晴變滅俄驚喜須臾天削青芙蓉絳闕星
標冠峰陟停驂改服欣躋攀始疑杳靄非人寰
灑氣半封苔蘚徑氛埃不到藤蘿關藤蘿裊裊
蒼厓仄瑞草芝英抽五色林巒景態各參差日
月晦明相蔽匿大茅峰高白鶴翔二茅峰下赤
漢香三茅突兀宛相向金庭玉館流神光別有
華陽洞四出幽渺靈竒跡非一轟雷宿霧無不
有產藥燒丹詎堪述玄洲赤城未可期福地神

臯應在茲天籟殷殷雜簫鼓祥暉閃閃翻雲旗
倒景欲凌高鳥沒曠望留連興飛越索息何知
羸病身一朝蛻盡塵凡骨夜回清夢天門開彷彿
真仙鶴架來秘訣寶符恍可憶遠遠猶自卧
丹臺

朝天行送伍憲使入賀

閭闔千門紫氣重逶迤禁御碧霄中鳳皇鳩鵲
宸居壯太乙勾陳帝座通長樂鐘聲聞九陌
複道霞紋連內掖玉帛衣冠集上都嵩呼華祝
來羣辟使君蕭散擅臨池薇省圖書起秘思乍
離東觀司詳讞旋輟西曹領度支粉署含香經
歲月天書特下芙蓉闕節鉞霜清西入秦聲名
雷貫南通粵雙旌曳練鎮中原畫戟凝香憲使
尊法署巍峩瞻豸繡威儀肅穆儼龍門共傳惠
直周邦喜更道嚴明湛秋水嗷嗷遍起翳桑人
洶洶盡息潢池子褰帷擁傳使君行何限朝宗
戀闕情朱輪路出嵩雲繞赤幘塵飛洛水橫嵩
雲洛水趨畿內新飭輜軒重入對幾看楓陛

綴鶴鸞復向 彤墀鳴劔珮埋輪元自重持平
捧日今看翊 聖明政比吳公推治行人從孟
博挹澄清即今 天子崇儒術寤寐賢豪思造
膝子雲端合賦長楊賈生會見徵宣室廟謨何
惜借前籌佐理雍容獻納優應知列棘中朝貴
簪紱輝光勝舊遊

送劉憲使簡鎮寧武

岱宗嶽崱插蒼靉泱泱大風表東海靈傑鬱滄
鄒魯區公車早對揚芳彩入抽中秘集蓬瀛奎

壁輝墜館閣英擣毫霑霽風雲色奏賦鏗旬金
石聲金石風雲端武庫望即倚重睢鳩署頗牧
當令直內庭樞機每借籌前箸虎符玉節趣衡
湘陸提車騎波舳舳雄略壯風隨蕩拂文星南
斗避光芒風移斗轉仍東向白華暫顧南陔養
回馭王陽願不違出車方叔猷真壯 璽書簡
蒞天之中中原父老競扶筇來蘇獨藉澄清力
咸喜重歌屏翰功忽報建牙馳紫塞西人鼓舞
東人慨殺氣先騰鸞鶴軍威聲已喘豺狼喙金

飄薦爽碧梧黃嫋嫋旌干飈曉霜鴈代歡顏迎
攬轡汝濱動色睽甘棠旗亭祖帳修離酌鼓吹
鏡笳闐廣莫鄧禹元期竹帛勲漢家正敞麒麟
閣

憶管行送張志伊 廷試

憶管 孝皇全盛日寰中豪雋瑋瑋出爾家司農
起一經我祖弱齡同奮翼詞賦直凌揚馬先勲
名欲與夔龍匹雨歇山頽近百年我已謝事歸
林泉君始青袍游上國雅思獻策明光前草連

山色凝蒼靄風捲楊花舞亂綿自許鳳雛離丹
穴況喜駟駒生汗血九霄千里起蓬蓬有身不
致非英傑南北秋空羽翮高脫鞵看爾緜雙掣
瀛海長春圖歌為劉少宰二尊人賦

帝都東望瀛海寬瓊洲瑤島中巒岈生神產秀
瑞廊廟凌景冲霄排羽翰木公金母應時出玉
珮霞裾顏渥丹春更秋歷椿成大實結花開桃
是蟠脫屣無心顧珪組盈庭有樹培芝蘭禕之
懿之擅兩省元方季方角二難丈夫生何必戀

神武冠又何必老把磻溪竿鴻冥鳳翥任高逸
兩雛突起青雲端蔗境悠悠園共綺家聲奕奕
實與韓閭之圃兮蓬之壇並騎白鶴駉祥鸞天
漿廣樂不知老日月跳擲如雙丸調羹補袞自
渠事袖手迥然一笑看

四豫詩 有序

朱郡守治申之六年政治績崇 上嘉
下樂季春廿有七日遠逢初度令辰不
佞爰效周邦咸喜之義賡四豫詩躋公

堂而稱兕觥焉

一豫曰我所豫兮在申陽曠躬邁之屏翰良惠
直文武武是邦美人貽我多稔年何以祝之率
育謳春日載陽嘉瑞浮難老永錫百祿道

二豫曰我所豫兮在天中曠躬邁之黃與龔清
淮流潤千里同美人貽我絃歌誦何以祝之穆
如頌褒異封章銜紫鳳盛朝風雅明廷棟

三豫曰我所豫兮在 宸京曠躬邁之姚范朋
治行廩廩列 御屏美人貽我澤汪濊何以祝

之省府拜諷議從容佐交泰躋世隆平寰寓賴
四豫曰我所豫兮在廊廟曠躬邁之伊呂召職
補 衮闕猷辰告美人貽我業焜煌何以祝之
青史芳三不朽垂奕葉光山嶽增峻川至長

何震川先生集卷之二

何震川先生集卷之三

信陽何洛文啓圖著

五言律詩

男奕家校梓

盈筐雜花應

制

秋林散衆芳采采已盈筐
點綴成金谷提携上玉堂
九華紛鬪色百和暗飄香
幸藉丹青力承恩顧盼長

桃花翠鳥應

制

瑞鳥踰躑至宮桃爛熳時
似憐雙翠翼故借萬

年枝向日承顏色迎風戢羽儀
皇情欣茂對
不是愛珍奇

廣陵觀濤應制

淮海孤城夕江門八月濤臨流一以眺萬里正
滔滔赤岬凌波勁銀河捲浪高巨川思共濟無
乃聖心勞

山齋隱居應制

石壁蟠松古茆齋陰竹深淡烟籠樹色高檻落
峰陰向夕披襟坐臨風抱膝吟弓旌明主待

未許臥雲林

天閑白馬恭題

章皇帝御筆

臺上黃金駿毫端白雪驄玉花生御榻寶繪

奪天工照夜雙珂瑩凝霜足練空瑤池仙馭遠
猶向畫圖雄

商喜娃娃應制二首

髻髮誰家子芳林劇戲親玉繁庭際樹珠弄掌
中人少小看頭角嬉游總性真應知
皇澤遠

麟趾自振振

二

襁褓鍾慈愛羣嬉悅 聖情眼前看赤子天下
念蒼生離鳳翩翩舞祥麟隊隊行百男今有兆
太姒在周京

送少司成范伯楨之留都

北斗文星轉南雍絳帳新柳迎吳苑旆花憶漢
宮春董策金閨重匡經璧水陳陽韓千載譽佇
聽滿成均

春暮張園同余丙仲許維楨宮允賦二首
城倚千峰起方亭幾欲尋頻來分雅詠孤眺瀉
幽襟日靜芳蘭氣風迴綠蘚陰移觴須得醉東
陌散春禽

二

席接青蘿館芳香度曲遲酒多尋侶處春盡捲
簾時苑迴藤花細簷虛草色垂繁喧無自逐麗
景送游絲

送張之采令邵武

漢廷論世彥今喜辟疆游墨綬新承寵花封且
拜侯臺郎應左席政績得中牟相望仙鳧去樵
陽片月浮

九日

依依重九月物候感 神京風斂高雲澹枝團
曉露清蘭芳隨意遠菊色向秋榮莫作登高會
看雲動客情

送馬子補天長令

舊日河陽宰濠南拜命新分符仍大邑占宿動

高旻雪送燕山暮花迎泗水春江淮空杼柚須

爾布 皇仁

都門送罷官者

薊門生百感千里總關情慷慨羞彈鋏蹉跎愧
請纓餘懽辭季主別話問君平咫尺風雷變東
山幾日迎

送陶帥

匹馬馳燕楚翩翩萬里程轉聞說劔勝早見學
書成龍種思遐馭鴻歸念遠征單于今款塞何

地請長纓

送徽州從事胡龍山罷官南還

朝宗來魏闕投劾忽南征
候鴈催鄉思秋雲眷
宦情風塵方稅駕鷗鷺未寒盟
為問西巖桂辭家幾度榮

九日無菊

陶令東籬下白衣還自來
如何重九日不見一
花開物色違芳序風光負好懷
清尊空欲倒誰可薦新醅

董峰寺

經過頻望岫此日愜幽尋
萬仞常埋霧諸天總布金
飭慚香積供坐愛綠蘿陰
入定逢僧臘誰知出世心

別方生

離亭官柳發別思正依依
此日岐鄉縣他年聚帝畿
橋回青嶂合蓋轉白雲飛
歲歲王孫草相期願不違

冬日過鐵佛寺

雲樹蒼茫合風沙古殿迷山盤迴磴裏寺枕亂
峰西入院聞清楚迎門遶碧溪不應聊駐馬倍
使戀深樓

與趙良弼太宰集張助甫中丞綠波樓

杳靄聳高寒岩堯擁大觀四圍風日麗萬頃水
雲寬揚閣玄初就庾樓月共看夜深頻北望斗
際是長安

送吳惟善

相逢纔越宿意氣久相要最苦歸心切誰憐去
路遙疎梅依古道衰柳壓平橋別後添惆悵離
愁渾未消

賦得峴峰贈友人

鑿峴當年事山人結構幽松孤常舞鶴池靜不
驚鷗雲暗桃花洞風輕蓮葉舟最憐棲隱地白
眼傲王侯

宿寨河陶氏舍不值短作留壁

匹馬荒村暮深林結暝烟主人車偶出高士榻
常懸行役勞誰問清幽且自便何時逢閉閣重

過為談玄

王生自塞上還王憲使附詩見憶茲送其
往却寄王公二首

杜若滿洲生思君無限情九流懸朗鑒萬里振
長纓目斷碧雲合心知青海平幾回趨幕府倒
屣夢相迎

二

之子氣橫生間關赴塞情驩歌彈劍缺髡笑絕
冠纓雞肋吾終棄羊腸路總平踟躕求仲去三
徑待逢迎

曉發唐州

策馬西風急聽雞旭日遲舟橫河淺澹岡疊草
迷離弔古中原迴尋真太岳奇遙遙行邁意回
首片雲知

淨樂宮

淨樂行宮啟人從帝所來紫雲流法界丹篆
裊香臺象魏朝三極鴻濛運九垓遙瞻晴旭表
天柱正崔巍

玉虛宮

僊路高無極玄關叩已深祠壇何肅穆雲樹轉
陰森有境渾浮玉無山不布金虛皇如可接但
覺湛冰心

游玉虛巖二首

雲磴千盤上巖杉四壁攢變衰猶蒼鬱深入轉
巒岼莎色垂垂綠溪風習習寒不知石室裏丹
篆許誰看

二

冉冉雲生色僊僊洞入玄嵌空巖碧玉瑩徹俯
清泉樹古渾籠日峰危欲際天采真寧踰此魂
夢亦泠然

五龍宮

聞道朝元處扶真藉五龍蕊珠宮漸闢神漢井
長溶玉象開山出金光燭殿重茲游憑道力仿
彿見僊蹤

席上別方允治司徒

經年懷大雅此日挹清芬對酒披芸帙譚詩裊

篆薰霜華林葉下雪影陣鴻分明發思公子迢
迢又暮雲

十八盤

陡絕籃輿度敬斜屐齒妨孤危真鳥道九折豈
羊腸壁破珠宮剖溪回錦幕張方欣能濟勝未
暇戒垂堂

清風岨

出壑重重險登椒步步佳晞陽孤掌濯欲露衆
峰霾幽窅蛇龍蟄峭岨劔戟排壯游寧過此真

與夙心諧

李仁卿郡侯示龍司理伯貞見懷詩和答
六首

勞勞塵鞅久今喜賦閒居窻對王孫草山焚學
士魚流光拋過隙生計付留餘地有環滁勝游
邀任鹿車

二

自謝金閨籍誰當問索居慙勤憑五馬珍重托
雙魚高誼真追古雄篇欲賈餘長吟行澤畔氣

色動柴車

三

一結煙霞侶惟耽水竹居開籠閑放鶴俯檻樂
觀魚花木四時有園池數里餘朝朝清興發脂
轄命巾車

四

且喜迷塗近超然慕隱居寒寧悲失馬舟柱泣
前魚永日貧無事韶年樂有餘長林豐草下緩
步當安車

五

逍遙棲谷口無用此居居江狎忘機鳥天開縱
壑魚風光成一醉燈火及三餘問字吾何有門
停長者車

六

淇園逢大雅千騎上頭居筆倚陳思馬庭懸羊
續魚郢歌元和寡晉國實波餘況世于公德門
容葆蓋車

春日集馮伯昌宅觀牡丹二首

震川集卷之三
共赴看花約名園勝洛京天香飄几席國豔照
簷楹錦幌圍春住瑤觴入夜傾韶華知易駛留
賞各含情

二

深院春先到嫣然香滿庭雨餘滋爛熳風度惜
娉婷何獨吟紅藥偏宜醉綠醺夜闌看更好蓮
炬對熒熒

曹憲使以薦自晉臬寓詩見懷依韵附答

二首

海内存知己新詩問索居人隨驚市虎世自棄
前魚姬父三緘後莊生一夢餘田間憑泥飲何
意望徵車

二

使君長西嶽千騎上頭居瑞表岐山鳳迎從渭
水魚碧油幢下擁黃石枕中餘開府公能事追
鋒有召車

望劉伶寺

高人停鋪處原上草青青寺護逃禪骨山頽頌

酒靈醉鄉何日月豪舉總螟蛉三嘆臨風酌陶
嬰或爾形

過下莊見子玄比部題壁感舊游作

客春修禊飲攬勝遍浮光雅詠渾如昨奇游不
可忘重過非舊主左氏有新莊人在青藜閣唯
餘翰墨香

京口即事

江涵罨畫景漫說訪蓬瀛潮湧金山寺峰圍鐵
甕城芳春估客樂上已麗人行何必山陰道能
令逸興生

過延陵有感

威鳳翔寥廓斯人不可追浮雲寄舒卷皎月起
迷離不諾留徐劔無涯托孔碑鴉雛慚自許鴟
嚇欲何為

丹陽即事

白日茅君洞春風季子陵居人同指點游客盛
攀登千乘今何有重霄或可升清芬徒密邇邈
矣欲誰承

宿毘陵

春盡維舟處名高泰伯鄉清佳挹山水禮讓啓
封疆漸覺青陽暮誰憐碧草長惟應晉陵酒留
醉故宮傍

慧山泉二首

暫繫王猷舫來嘗陸羽泉雲根浮脈脈石竇瀉
涓涓煮鼎松風沸挈瓶水月傳茂園多病後一
酌已泠然

二

疑是金盞露溶溶散玉泓鬚看寒自澈興味澹
俱清何物能醒酒長歌為濯纓中冷虛第一題
品若為更

范伯楨走急足詩來代迂用韻答之

巨卿真信士平叔果佳緣共理煙波釣寧迴雪
夜船招攜無俗韻賡唱有名篇何限烏程酒須
傾碧浪前

拜高相公文端先生墓

於越星精降湖山得偉人三朝瞻柱石一疾

偃經綸神逐龍髯香封為馬鬣新九原安可作
一拜一沾巾

六和塔

寺湧浮圖出門開浦溆長三吳分氣脈百粵任
帆檣嶺外風傳鐸空中雨散香錢塘澄似鏡應
藉白毫光

孫生迓予塗次偶占

孫康初出戶來問遠游蹤信帶煙霞色何知錦
繡胸山川相映發詩酒日從容莫羨冥鴻羽雲

蒸望蟄龍

郝園夕集

展席開春酌披襟話夙緣詩書綿世業堂構仰
先賢嘉樹隨年古深杯入夜傳阿戎譚正劇分
首意茫然

送江少微適楚二首

乍識煙霞相因投箕頰心扁佗驚異術山水惜
佳音花改青陽暮山迷紫籟深雲將還雀躍何
處重招尋

二

盧敖憑一杖五嶽縱行游出岫孤雲逸懷林倦
鳥投無心付白墮有話卽丹丘鼓枻應同汝相
羊訪十洲

輓曲少府

祇謂棲鸞久方嗟展驥難如何迫濛汜忽爾夢
邯鄲榭葉風空款蓮花漏已殘蕭條歌薤露丹
旒路漫漫

贈湛上人二首

義公會汗下早已悟西來鉢外三花秀圖中五
嶽開忘言對山水餘興寄鄒枚黃檗傳心要吾
生媿姓裴

二

禪宗何所住飛錫到鄆關郢雪供吟眺嵩雲共
往還自然成白業不用買青山愧我遊方內高
風未可攀

秋日壽藩伯王公

初度殷秋仲嵩高誕世英東方千騎上南極一

星明桂殿長生籍芝栴不夜城鶴飛桃正熟赤
縣有蓬瀛

挽蔡烈婦

不惜摧蘭質堪憐比玉心萬方寧受譬一死重
相尋鐵石青春厲冰霜白日陰柏舟遺響在千
古振徽音

贈息縣李明府

盛代循良重分符霄漢間雙鳧飛 帝闕列宿
照人寰棠覆春雲滿琴鳴白晝閒徵書頻擢異

計日晉清班

夏日邀諸子澗河汎舟王將軍首倡雅韻

聊和四首

盛侶乘新漲清嬉逐水雲舟航東道主詞翰右
將軍雨過炎蒸薄歌闌夜漏分江湖垂釣穩莫
擬動星文

二

水上迴波樂雲中貫月槎鷁飛山獻翠鷗起浪
浮花白墮催頻劇滄洲趣共賒停觴思屢泛幾

倍惜年華

三

豪吟詩繁帙縱飲酒連觚侍僕皆文藻游人總
畫圖山川相映發雲雨乍虛無敢謂抽簪蚤扁
舟狎五湖

四

昔攬西湖勝三吳冶麗鍾參差千畫舫掩映兩
高峰吟得山川助游常夢寐逢豈期今雨集信
美愜前蹤

贈浮光賀子安

誰道春申國而鍾賈傅才治安方有策薦達豈
無媒十駕寧齊軌千金正築臺洛陽年詎少不
受漢廷猜

題新鄉盧明府德政承恩冊

傳道三河令新中政獨殊燕山分五桂葉縣起
雙鳧最績聞 天府封章出 帝都行看徵茂
宰常聽柏臺烏

何震川先生集卷之三



